



Broj: 03-11-1078/20
Vogošća, 17.07.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 17.07.2020. godine donio je

ODLUKU O IZBORU NAJPOVOLJNIJEG PONUĐAČA ZA NABAVKU RUKSAKA, PERNICA I ŠKOLSKOG PRIBORA ZA PRVAČIĆE

Član 1.

Ponuda ponuđača "R&S" d.o.o. Sarajevo, ulica Igmanska bb Vogošća, odabrana je za nabavku ruksaka, pernica i školskog pribora za prvačiće, kao prvoplasirana na Rang listi, sa ponuđenom najnižom cijenom tehnički zadovoljavajuće ponude u iznosu od 11.700,00 KM bez uračunatog PDV-a, odnosno 13.689,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 25.06.2020. godine donio Odluku o pokretanju Otvorenog postupka nabavke ruksaka, pernica i školskog pribora za prvačiće, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.06.2020. godine pod brojem: 1353-1-1-111-3-91/20.

Sažetak Obavještenja o nabavci objavljen je u "Službenom glasniku BiH" broj: 39/20 od 03.07.2020. godine.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 15.07.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 15.07.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-11-1078/20 iz juna 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Robot general trading Co" d.o.o. Sarajevo	13.375,50	/	/	15.649,34
2	"SCO" d.o.o. Sarajevo	14.999,80	/	/	17.549,77
3	"R&S" d.o.o. Sarajevo	14.981,30	/	/	17.528,12
4	"Svjetlostkomerc" d.d. Sarajevo	14.985,00	/	/	17.532,45

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Svjetlostkomerc" d.d. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 9.9.1.TD je propisano da će ugovorni organ dostaviti na potpis izabranom ponuđaču prijedlog Ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 6. tenderske dokumentacije ("nacrt"). Ponuđač treba potpisati prijedlog Ugovora i popuniti sve dijelove koji su ostavljeni prazni (nacrt ugovora mora biti uredno popunjen, potpisan i ovjeren pečatom ponuđača. Također tačkom 8.2.1. pod 9. TD je propisano da nacrt Ugovora-Aneks 6 treba biti popunjen, potpisan i ovjeren pečatom ponuđača.

Ponuđač "Svjetlostkomerc" d.d. Sarajevo je u svojoj ponudi (strana 7. Ponude) propustio da popuni dijelove koji su ostavljeni prazni u nacrtu Ugovora-član 2. nacrtu, te je na taj način postupio suprotno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Robot general trading Co" d.o.o. Sarajevo,
- "SCO" d.o.o. Sarajevo i
- "R&S" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da niko od ponuđača nije dostavio Potvrdu Vanjskotrgovinske komore BiH ili nadležne entitetske komore, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni

preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 17.07.2020. godine u 13:45 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 17.07.2020. godine, Komisija za javne nabavke je sačinila sljedeću Rang listu u Otvorenom postupku nabavke ruksaka, pernica i školskog pribora za prvačiće kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"R&S" d.o.o. Sarajevo	11.700,00	13.689,00
2	"SCO" d.o.o. Sarajevo	11.780,00	13.782,60
3	"Robot general trading Co" d.o.o. Sarajevo	13.375,00	15.649,34

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "R&S" d.o.o. Sarajevo, za nabavku ruksaka, pernica i školskog pribora za prvačiće, kao prvoplasiranom na Rang listi, sa ponuđenom ukupnom cijenom nabavke u iznosu od 11.700,00 KM bez uračunatog PDV-a, odnosno 13.689,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

zu Kontrolisala: Melisa Kršo

Melisa Kršo

Dostavljeno:

1. "Robot general trading Co" d.o.o. Sarajevo
2. "SCO" d.o.o. Sarajevo
3. "R&S" d.o.o. Sarajevo
4. "Svjetlostkomerc" d.d. Sarajevo
5. Nadležnoj Službi
6. U dosije
7. a/a

033/941-936

033/626-199

033/476-390

033/220-910



OPĆINSKI NACELNIK

Edin Smajić